


## **AKT THEMELIMI I SHOQERISE ANONIME**

Ne Tirane, sot me date 21.08.1995, Ministria e Financave, ne baze te ligjit Nr.7926, date 20.04.1995 "Per transformimin e ndermarjeve shteterore ne shoqeri tregtare" Ministri i Financave, vendosi

1. Te krijoj shoqerine anonime "Ndertime Ushtarake" Fier
2. Objekti i veprimtarise se shoqerise do te jetë: ndertim-montim objekte te ndryshme si dhe prodhim dhe tregtim materiale ndertimi.
3. Shoqeria do te kete seline e saj ne Fier dhe ajo mund te çele dege, filiale, agjensi dhe perfaqesi ne te gjithe territorin e Republikes se Shqiperise dhe me miratimin e organeve kompetente edhe jashte shtetit.
4. Kapitali themeltar i shoqerise eshte 5.375.000 leke, i ndare ne 5.375 aksione me vlerë nominale 1.000 per aksion.
5. Shoqeria ka një kohezgjatje te veprimtarise se saj pa afat te caktuar.
6. Keshilli i pare mbikqyres perbehet nga :
  1. Ilirian Gjondeda
  2. Dalip Nezha
  3. Edmond Çaushi
7. Ndertimi, organizimi dhe funksionimi i shoqerise rregullohet sipas dispozitive te legjislacionit shqiptar si dhe ne baze te statutit dhe ketij akti themelimi.
8. Shoqeria fillon veprimtarine me nenshkrimin dhe miratimin e dokumentave te saj themelues.

**DREJTORI I DREJTORISE SE SHOQERIVE PUBLIKE**



# **S T A T U T**

## **I**

### **SHOQERISE ANONIME**

Ne baze te dispozitave te ligjit Nr.7926, date 20.4.1995 "Per transformimin e ndermarrjeve shteterore ne shoqeri tregtare", me autorizim te Ministrit te Financave, Z. Berzh Piranian, Drejtor i Drejtlorise te Shoqerive Publike nenshkruan statutin e shoqerise anonime si me poshte :

#### **Neni 1**

Shoqeria anonyme formohet nga transformimi Ndermarrja e Ndertimeve Ushtarake Fier

Shoqeria e kriuar ne kete menyre emerohet shoqeria anonyme "Ndertime Ushtarake" fier.

Selia e shoqerise eshte ne Fier.

#### **Neni 2**

Objekti i shoqerise eshte ndertim montime objekte te ndryshme si dhe prodhim dhe tregtim materiale ndertimi. Selia e shoqerise eshte ne Fier.

Shoqeria, brenda caqeve te parashikuara nga legjislacioni ne fuqi, do te kryeje çdo operacion tregtar dhe finanziar qe lidhet drejtperdrejte ose terthorazi me objektin e saj. Kjo perfshin gjithashtu hapjen e veprimtarive te reja, krijimin e sipermarrjeve te tjera dhe pjesemarrjen ne sipermarrje te tjera si brenda, ashtu edhe jashte vendit.

#### **Neni 3**

#### **Kapitali themeltar-akcionet**

Kapitali themeltar i shoqerise eshte 5.375.000 leke. Ai eshte i ndare ne 5.375 aksione te se njejtës kategori, te cilat zoterohen teresisht nga shteti.

Vlera nominale e aksionit eshte 1.000 leke.

Ne shumen e kapitalit te shoqerise nuk eshte perfshire vlera e truallit, gje qe do te behet ne nje kohe te dyte perpara se shoqeria te privatizohet ose ne momentin e privatizimit.

#### **Neni 4**

##### **Shitia e aksioneve ne rastin e privatizimit.**

Aksionet e shoqerise mund t'u shiten personave fizike e juridike shqiptare vetem ne rastin e nje vendimi te marre nga Ministri i Financave per privatizimin e shoqerise nepermjet bonove te privatizimit dhe/ose lekeve te privatizimit.

Personat e huaj, fizike a juridike, mund te blejne aksione te shoqerise vetem ne rastet dhe ne masen e caktuar nga Ministri i Financave. Shlyerja e aksioneve nga personat e huaj, fizike a juridike, behet vetem me para ose me anen e kontributeve ne natyre per qellime teknologjike.

#### **Neni 5**

##### **Organet drejtuese**

Organet drejtuese te shoqerise jane :

1. Keshilli mbikeqyres.
2. Drejtori i per gjithshem

#### **Neni 6**

##### **Keshilli mbikqyres**

I. Keshilli mbikqyres perbehet nga 3 anetare.

Anetaret e keshillit mbikqyres emerohen :

2/3 nga ministri i Finances

1/3 Ministrise se Mbrojtjes.

II. Kohezgjatja e funksionit te tyre eshte 4 vjet. Anetaret e keshillit mbikqyres jane te gjithe te rizgjedhshem. Ata mund te revokohen nga titullari i organit qe i ka emeruar vetem per shkaqe te perligjura.

**III. Anetaret e keshillit mbikqyres jane persona fizike.** Ata nuk mund te jene te punesuar ne shoqeri.

**IV. Nese nje ose disa vende te anetareve te keshillit te mbikqyrjes mbeten bosh per shkak vdekjeje, shkarkimi ose doreheqjeje, zevendesimi duhet te kryhet jo me vone se tre muaj.**

**Anetari i keshillit mbikqyres, i emeruar ne zevendesim te nje anetari tjeter, perfundon mandatin e paraardhesit.**

**V. Anetaret e keshillit mbikqyres nuk mund te bejne pjese ne me shume se tre keshilla mbikeqyres te shoqerive anonime qe e kane seline ne territorin e Republikes se Shqiperise.**

**VI. Anetaret e keshillit mbikqyres te moshes mbi 65 vjeç nuk mund te jene me shume se nje e treta e numrit te pergjithshem ne mbyllje te ushtrimit te çdo viti financiar. Nese kjo perqindje tejkalohet anetari me i moshuar do te konsiderohet i shkarkuar zyrtarisht.**

#### **Neni 7**

#### **Kryetari dhe zevendeskryetari i keshillit mbikqyres**

Keshilli mbikqyres zgjedh ndermjet anetareve te tij nje kryetar dhe nje zevendeskrytar, te cilet ngarkohen te mbledhin keshillin dhe te drejtojne diskutimet. Ata emerohen per te gjithe kohen e mandatit te tyre ne keshillin mbikqyres dhe jane te rizgjedhshem.

Keshilli mbikqyres mund te emeroje nje sekretar jashte anetareve te tij.

Ne rast mungese ose pengimi te kryetarit mbledhjet e e keshillit mbikqyres drejtohen nga zevendeskryetari.

#### **Neni 8**

#### **Vendimet e keshillit**

Keshilli mbikqyres mblidhet sa here qe e kerkon interes i shoqerise, me thirrjen e kryetarit, ose ne mungese te tij, te zevendeskryetarit.

Kryetari duhet te therrase keshillin mbikqyres, brenda pesembashjete diteve, kur drejtori ose nje e treta e anetareve te keshillit mbikqyres i parashit atij nje kerkesa te motivuar per kete qellim.

Nese kerkesa mbetet pa pergjigje, atehere autoret e saj mund te therrasin keshillin, duke i permendur rendin e dites.

Ne parim thirrja duhet te behet tre dite perpara, me leter, telegram, teleks ose telefaks. Por ajo mund te behet me goje dhe pa afat ne qofte se anetaret e keshillit mbikqyres e pranojne ate.

Çdo thirrje duhet te treguje çeshtjet kryesore te rendit te dites.

Mbledhja e keshillit mbikqyres behet ne seline e shoqerise ose ne çdo vend tjeter te treguar ne thirrje.

II. Keshilli mbikqyres mund te marre nje vendim te vlefshem, ne qofte se jane te pranishem jo me pak se gjysma e anetareve te keshillit.

Vendimet merren me shumice te thjeshte votash te anetareve te pranishem. Ne rast votash te barabarta, ajo e kryetarit eshte percaktuese.

III. Keshilli mbikqyres mban nje regjister te pjesemarrjes ne mbledhjet e tij, i cili nenshkruehet nga anetaret e pranishem ne mbledhje.

IV. Vendimet e keshillit mbikqyres evidencohen me procesverbale te hartuara ne pajtim me dispozitat ligjore ne fuqi, nga kryetari i seances dhe nga nje anetar i keshillit ose, ne mungese te kryetarit, nga jo me pak se dy anetare te keshillit.

Kopjet e ketyre procesverbaleve vertetohen nga kryetari keshillit mbikqyres, zevendeskryetari dhe nga drejtori i pergjithshem.

## Neni 9

### **Kompetencat e keshillit mbikqyres**

Keshilli mbikqyres ushtron kontroll te perhershmen per administrimin e shoqerise nga drejtori i pergjithshem i saj dhe i jep ketij te fundit autorizimin paraprak per kryerjen e operacioneve qe nuk mund te kryhen nga drejtori i pergjithshem pa autorizimin paraprak te keshillit mbikqyres.

Keshilli mbikqyres emeron drejtorin e pergjithshem.

Ai autorizon marreveshjet e parashikuara ne nenin 13 te ketij statuti.

Ai autorizon drejtorin e pergjithshem te kryeje veprimet dhe te marre masat e parashikuara ne nenin 12 te ketij statuti.

Keshilli mbikqyres ka te drejte te kryeje ne çdo kohe verifikime dhe kontolle qe ai i çmon te pershtatshme, dhe kerkon te njihet me dokumentet qe ai i gjykon te nevojshme per permbushjen e detyres se tij.

Drejtori i paraqet raport keshillit mbikqyres te pakten nje here ne tre muaj.

Brenda tre muajve nga data e mbylljes se ushtrimit finansiar, drejtori duhet t'i paraqese keshillit mbikqyres llogarite vjetore me qellim verifikimi dhe kontrolli te tyre nga ky i fundit.

Keshilli mbikqyres miraton llogarite vjetore dhe reportin vjetor te paraqitur nga drejtori i pergjithshem.

Keshilli mbikqyres mund t'i ngarkoje njerit ose disa anetareve te tij çdo mandat te posaçem per nje ose disa objekte te caktuara.

#### Neni 10

#### **Shperblimi i anetareve te keshillit mbikqyres.**

Shperblimi i anetareve te keshillit mbikqyres do te behet ne perputhje me vendimin e Keshillit te Ministrave Nr.348 date 3.7.1995 "Per keshillat mbikqyres te shoqerive shteterore".

#### Neni 11

#### **Drejtori i pergjithshem**

I. Drejtori i pergjithshem emerohet nga keshilli mbikqyres kur per te jane dakord jo me pak se 3/4 e anetareve te ketij keshilli. Ai mund te zgjidhet qofte ndermjet personave te shoqerise, qofte edhe jashte te punesarve te saj.

Nese nje anetar i keshillit mbikqyres emerohet drejtor, mandati i tij ne keshill merr fund me hyrjen e tij ne funksion.

**Nje person nuk mund te emerohet drejtor ne me shume se nje shoqeri.**

Drejtori mund te shkarkohet nga keshilli mbikqyres vetem per shkaqe te perligjura. Ne rastin kur i interesuari ka lidhur nje kontrate punesimi me shoquerine, shkarkimi i tij nga funksioni i drejtorit nuk eshte shkak per zgjidhjen e kesaj kontrate.

**II. Drejtori emerohet per nje periudhe kohe prej 4 vjetesh. Ne rastet te pushimeve dhe te mungesave te tjera te zgjatura, keshilli mbikqyres ben menjehere zevendesimin e tij.**

Drejtori eshte i riemerueshem. Ai nuk mund te jete ne moshen mbi 65 vjeç.

Drejtori qe mbush 65, quhet zyrtarisht i shkarkuar dhe zevendesohet menjehere.

Menyra dhe masa e shperblimit te drejtorit caktohen nga keshilli mbikqyres ne aktin e emerimit te tij.

## **Neni 12**

### **Kompetencat e drejtorit**

**I. Drejtori ka kompetenca te plota ndaj te treteve per te vepruar ne emer te shoquerise ne çfaredo rrethane, me perjashtim te kompetencave qe i jane caktuar shpprehimisht keshillit mbikqyres nga ligji dhe nga ky statut.**

Ne martedhenie me te tretet shoqeria merr persiper detyrimet qe rrjedhin nga aktet e drejtorit edhe kur keto akte nuk perfshihen ne objektin e shoquerise, perveç rastit kur shoqeria provon se te tretet e dinin qe akti i drejtorit kapercente objektin e shoquerise dhe vepron te me keqbesim, ose kur te tretet nuk mund ta injoronin kete akt, duke pasur parasysh faktin se vete shpallja e statutit nuk eshte prove e mjaftueshme.

Kufizimet e kompetencave te drejtorit te caktuara ne statut duhet te respektohen nga te tretet.

Megjithate, ne cilesine e masave te rregullimeve te brendshme te shoquerise, por qe nuk u kundervihet te treteve, veprimet dhe masat e meposhtme kryhen vetem me autorizim te keshillit mbikqyres:

- percaktimi dhe ndryshimi i programit te veprimtarise afatshkurter, afatmesem dhe afatgjate te shoqerise;
- kryerja e investimeve dhe financimeve per vitin finanziar si dhe masat e tjera qe do te kerkonin ndryshimin e buxhetit fillestar te shoqerise;
- hapja e veprimtarive ose e njesive te reja, shkrirja ose bashkimi dhe mbyllja teresisht a pjeserisht e veprimtarive dhe njesive te shoqerise;
- blerja, shkembimi dhe shitja e pasurive qe perbejne aktivin e qendrueshem te shoqerise;
- themelimi i shoqerive ose pjesemarrja ne shoqeri te tjera te krijuara, ose per tu krijuar;
- marrja e huave afatmesem, afatgjate, dhenia e dorezanive ose e garancive te tjera kur keto te fundit tejkalojne veprimtarite e zakonshme te shoqerise;
- negocimi, perfundimi a ndryshimi i çdo kontrate me afat mbi 3 vjet ose per nje shume detyrimesh vjetore mbi dy milione leke;
- percaktimi i kritereve per diskutimin, perfundimin dhe ndryshimin e kontrates se punesimit me punonjesit;
- ne per gjithesi marrja e vendimeve dhe masave qe e kapercejne veprimtarine e zakonshme te shoqerise dhe qe jane te tilla qe mund te sjellin ndryshime ne objektin e shoqerise.

II. Drejtori i per gjithshem mund te delegoje nje pjese te kompetencave te tij, qe ai i gjykon te dobishme tek nje ose disa persona te tjere qe kryejne funksione teknike ne drejtimin e shoqerise.

III. Drejtori i per gjithshem perfaqeson shoqerine ne marredhenie me te tretet.

Emerimi dhe pushimi i tij duhet te publikohet ne perputhje me dispozitat ligjore ne fuqi.

Aktet, me te cilat shoqeria merr persiper detyrimet ndaj te treteve, duhet te mbajne nenshkrimin e drejtorit te per gjithshemi, ose te personit te autorizuar rregullisht nga drejtori per keto akte.

### **Neni 13**

#### **Marreveshjet ndermjet shoqerise dhe drejtorit ose nje anetari te keshillit mbikqyres**

Çdo marreveshje ndermjet shoqerise dhe drejtorit te per gjithshem ose nje anetari te keshillit mbikqyres, qofte e drejtperdrejte ose jo e drejtperdrejte, duhet t'i nenshtrohet autorizimit paraprak te keshillit mbikqyres.

Kjo dispozite eshte e zbatueshme edhe per marreveshjet ndermjet shoqerise dhe nje shoqerie tjeter, kur nje anetar i keshillit mbikqyres eshte edhe anetar i keshillit mbikqyres te shoqerise tjeter, me te cilen propozohet te lidhet marreveshja.

Dispozitat e mesiperme nuk jane te zbatueshme per marreveshjet qe kane te bejne me veprimet rrjedhese te shoqerise qe kryhen ne kushtet normale.

Drejtori ose anetari i keshillit mbikqyres i interesuar duhet te njoftoje keshillin mbikqyres apo merr dijeni per nje marreveshje, per te cilen zbatohen kerkesat e ketij nenit te statutit. Anetari i keshillit mbikqyres i interesuar nuk merr pjese ne votimin per dhenien e autorizimit.

### **Neni 14**

#### **Eksperti kontabel i autorizuar**

Kontrolli ushtrohet nga nje ose dy eksperte kontabel te autorizuar, te cilet emerohen nga keshilli mbikqyres dhe qe kryejne misionin e tyre ne pajtim me ligjin.

### **Neni 15**

#### **Ushtrimi financiar**

Ushtrimi financiar fillon me 1 janar dhe mbaron me 31 dhjetor te çdo viti.

Perjashtimisht ushtrimi i pare financiar perfshin kohen nga data e regjistrimit ne regjistrin tregtar gjer me 31 dhjetor.

### **Neni 16**

#### **Inventari-llogarite vjetore**



Shoqeria do te mbaje nje kontabilitet te mregullt te pasurise dhe te veprimtarise se saj, ne pajtim me kerkesat ligjore.

Ne mbyllje te ushtrimit, drejtori harton inventarin e pasurise ne kete date dhe llogarite vjetore per ushtrimin financiar.

Drejtori pergatit gjithashtu edhe raportin e administritimit per gjendjen e shoqerise gjate ushtrimit financiar te kaluar, ndryshimet e parashikuara per te ardhmen, ngjarjet me te rendesishme qe kane ndodhur gjate periudhes nga data e mbylljes te ushtrimit financiar deri ne daten e hartimit te ketij rapporti, si dhe veprimtarite e shoqerise ne fushen kerkimore-shkencore.

## Neni 17

### Rezultati i ushtrimit dhe caktimi i fitimeve

Rezultati i ushtrimit percaktohet si difference ndermjet te ardhurave dhe shpenzimeve te ushtrimit, duke perfshire te keto te fundit amortizimet dhe provisionet.

Nga fitimet e ushtrimit te pakesuara, kur eshte rasti, me humbjet e meparshme, hiqen te pakten 5 per qind per te krijuar rezerven e domosdoshme,

Heqja nga fitimet per rezerven e domosdoshme pushon se qeni e detyrueshme kur kjo rezerve arrin nje te dhjeten e kapitalit themeltar. Ajo rifillon kur per nje arsy'e çfardo, rezerva e domosdoshme ka zbritur nen nje te dhjeten e kapitalit.

Nga fitimet e ushtrimit te pakesuar, kur eshte rasti, me humbjet e meparshme, shoqeria do te heqe jo me shume se 85 per qind per krijimin e rezerves per zhvillim.

Shuma e fitimeve te mbetura pas heqjeve per krijimin e rezervave te permendura me siper perfaqeson dividentin, i cili derdhet ne buxhetin e shtetit.

Duke perjashtuar rastin kur eshte vendosur zvogelimi i kapitalit, nga fitimet e ushtrimit nuk behet asnje heqje dhe asnje derdhje dividenti, ne qofte se kapitali

e veta jane ose do te beheshin me te vogla se shuma e kapitalit themeltar plus shumen minimale te kerkuar per rezerven e domosdoshme.

Ne qofte se ekziston nje humbje, kjo mbartet per t'u perfshire ne fitimet e ushtrimeve te ardhshme deri ne shuarjen e saj.

### Neni 18

#### **Emerimi i anetareve te pare te Keshillit Mbikqyres.**

Si anetare te pare te Keshillit Mbikqyres emerohen :

1. Ilirian Gjondeda banues ne Tirane
2. Dalip Nezha banues ne Fier
2. Edmond Çaushi banues ne Tirane

### Neni 19

#### **Emerimi dhe shkarkimi i drejtorit te pare**

Ne nje afat prej 6 muajsh nga data e regjistrimit te shoqerise drejtori i ish ndermarjes shteterore do te jete i emeruar zyrtarisht Drejtor i pergjithshem i Shoqerise dhe do te jete pergjegjes per ruajtjen e pasurise te saj.

Gjate ketij afati ai mund te shkarkohet vetem nga Ministri i Financave dhe per shkaqe te perligjura mbi bazen e propozimeve te Drejtorise te Shoqerive Publike ose te Keshillit Mbikqyres te Shoqerise.

Hartuar ne Tirane me 3 gusht 1995 ne 6 kopje te njejtë.

**DREJTORI I DREJTORISE TE SHOQERIVE PUBLIKE**

